



SAKSFRAMLEGG

Sakshandsamar: Meline Heimdal Haugland	Arkivkode: FA-C21
Arkivsaksnr: 22/336	Løpenr: 22/4521
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	16.06.2022	042/2022

Søknad om støtte til friluftsskule i Samnanger 08.-12.08.22

16.06.2022 Kommunestyret:

Handsaming i møtet:

Rådmannen sitt framlegg vart samrøystes vedteke.

KS- 042/2022 Vedtak:

Bergen og Hordaland Turlag får inntil kr. 20 000 i underskotsgaranti for friluftsskulen 08.-12.08.22 i Samnanger. Tilskot vert utbetalt etter framvist negativ sluttrekneskap.

Samnanger kommune er positiv til at friluftsskulen kan verta eit fast tilbod om sommaren for barn og unge i Samnanger. Bergen og Hordaland turlag vert bedt om å senda ein ny søknad dersom det er snakk om ei fast årleg støtte til tiltaket f.o.m. 2023.

Rådmannen sitt framlegg til vedtak:

Bergen og Hordaland Turlag får inntil kr. 20 000 i underskotsgaranti for friluftsskulen 08.-12.08.22 i Samnanger. Tilskot vert utbetalt etter framvist negativ sluttrekneskap.

Samnanger kommune er positiv til at friluftsskulen kan verta eit fast tilbod om sommaren for barn og unge i Samnanger. Bergen og Hordaland turlag vert bedt om å sende ein ny søknad dersom det er snakk om ei fast årleg støtte til tiltaket f.o.m. 2023.

Dokument som er vedlagt:

Epost med søknad om støtte

Søknad om støtte

Dokument som ikkje er vedlagt:

[Friluftsskule 11 ved Bjørkheim i Samnanger — Turer og aktiviteter — Den Norske Turistforening \(dnt.no\)](https://www.dnt.no/turer-og-aktiviteter/11-ved-bjorkheim-i-samnanger)

Kva saka gjeld:

Bergen og Hordaland Turlag søker om kr 20 000 i støtte for å arrangere friluftsskule i Samnanger kommune 08.-12.08.2022.

Friluftsskolen er eit ferietilbod for barn i alderen 10-13 år frå Samnanger. Friluftsskolen vert arrangert på dagtid over fem dagar, med òi overnatting. Her skal ein blant anna padle kajakk med instruktør, bade og besøke idylliske Gjeengevoll Mangesysleri kor ein kan bade i elvekulp, helse på bier og hauste eigen lunsj. Ein skal òg lære om allemannsrett og ferdselskultur, kartforståing, raste- og leirplass, tur eller ekspedisjon.

- Friluftsskolen er eit samarbeid mellom Den Norske Turistforening (DNT) og Friluftsrådenes Landsforbund.
- Det kostar kr 500 per barn for medlem i DNT og kr 650 for ikkje-medlem.
- Det er totalt 30 plassar i friluftsskolen. Fem av plassane er gratis og vert halde av til barn som elles ikkje kan delta grunna familien sin økonomi.
- Frist for påmelding gjekk ut 01.06.22.
- Det er påmeldt 25 barn. Per 07.06.20 har ingen nytta seg av tilbodet om gratis plass.

Vurderingar og konsekvensar:

For barn i grunnskulealder varar sommarferien om lag to månader. For mange barn og unge vert gjerne størsteparten av ferien brukt i eigen kommune. I ferien er ein ikkje barn og unge lenger sikra den same sosiale kontakten som ein er i t.d. skuletida. Det er difor viktig å syte for møteplassar for barn og unge som gjer at dei har tilgang på sosial kontakt, og aktivitetar og leik i trygge rammer, i løpet av desse to månadane.

I Samnanger veit me om følgjande aktivitetar for barn og unge som vert arrangert i sommarferien 2022:

Aktivitet	dato	Arrangør	Alder	Max deltakar
Sommarklubben	04.- 08.07.22	Kommunen	4-7. trinn	20
Tine fotballskule	22.- 24.06.22	Samnanger idrettslag	6-12 år	Veit ikkje
Fritidsskule	08.- 12.08.22	Bergen og Hordaland turlag	10-13 år	30
Ungdomsaktivitetar	11. august	Kommunen	13-20 år	For alle

I telefonsamtale (08.06.22) med kontaktpersonen i Bergen og Hordaland turlag, Hild F. Aase, vart det opplyst at fritidsskolen i Samnanger vert gjennomført uavhengig av om Samnanger kommune innvilgar kr 20 000 i støtte. Slik informasjonen vart oppfatta er ønskje med søknaden å sjå kor mange kommunar som visar vilje til å støtte tiltaket. Bergen og Hordaland Turlag ønskjer at friluftsskolen kan verta eit fast tilbod i kommunane i åra framover.

Det er svært positivt at frivillige organisasjonar ønskjer å arrangere tilbod i sommarferien for barn og unge i Samnanger. Ferietilbod for barn og unge krev god planlegging og ikkje minst tilstrekkeleg med vaksne leiarar. Det er mykje som skal på plass og tilstrekkeleg med vaksne leiarar kan vera ei utfordring. Årlege tilbod er føreseielege og er med på å laga trygge rammer om kva ein kan vente seg. Om kommunen skulle arrangert fritidsskolen sjølv ville det kosta meir enn kr 20 000.